

親征平定朔漠方略

親征平定朔漠方略卷之九

康熙三十年正月癸巳。

諭倣備噶爾丹。噶爾丹奏言其下人如狼有一
二妄行者。祈勿介意。奏至。

上諭大學士伊桑阿等曰。閱噶爾丹所奏。不可謂無
作亂之事。今噶爾丹所屯。自俄儂。向喀爾喀墨
爾根。濟農而來。火器重物。難以應時。卽至。應令

八旗漢軍都統。選舉能員。預運大礮。前至大同。宣府駐劄。山中有木。隨便採取。置備鹿角。應運礮幾門。如何運致。造鹿角幾何。八旗漢軍都統議奏。又前曾令各佐領秣馬十五匹。後減去五匹。今仍令如數秣養。所養馬數。令兵部記冊。又聞此番出征厄魯特兵丁甲冑。既不相稱。又不堅固。今傳令好爲配合。整頓堅固。有欲製護心

綿甲者。隨便製造。出征大小官員。將所有丁壯。抽取護身。致戰陣之上。反無丁壯。大小官員親隨甲士。各有家人。以後軍中抽取。應令停止。亦令兵部議奏。此番兵丁。原令帶兩月米。聞僅帶有二十日。亦令嚴飭。以後照數攜帶。

戊申。

命戒會閱之期。

上諭內大臣蘇爾達等曰。喀爾喀案件。宜速斷理。擬
於清明前後。青草發萌時。出臨會閱。其集議之
議。三月青草發萌時。應出臨會閱。其隨從大
臣官員兵丁。及會閱應行事宜。令各部院請
旨。啓行日期。恭候

上裁奏入。

上從之。

封阿魯科爾沁貝勒。垂爲多羅郡王。先是貝勒垂
於烏爾揮地方。與厄魯特戰。衆皆奔潰。垂獨
止力戰。致受重創。被執不屈。

上嘉之。至是封爲多羅郡王。其在事陣亡。阿魯科爾
沁等部落十二旗台吉官員。理藩院分別議
叙具奏。

上曰。扎魯特四等台吉。滾楚克。塞爾濟。額爾德尼。及

阿魯科爾沁二等台吉董約特。勞績顯著。歿於
戰陣。其優贈爲一等台吉。賜達爾漢之號。令其
子承襲。全給身價。餘俱全給身價。

命都統瓦代郎坦。往備大同張家口。先是噶爾丹
認罪立誓。上書請降。

上以噶爾丹人殊狡詐。宜發兵預備。著每佐領派護
軍七名。驍騎五名。前鋒一名。火器營兵二千。整

頓備之。至是

上諭內大臣蘇爾達等曰。噶爾丹來至克魯倫。又劫掠喀爾喀。今或乘雪前來爲寇。亦未可知。所發備兵。宜前往張家口。獨石口等地方備之。著議政大臣。領侍衛內大臣。八旗滿洲。蒙古。漢軍。都統集議。議曰。前派兵每佐領護軍七名。驍騎五名。前鋒一名。火器營兵二千。今以此軍分遣

張家口。獨石口。則張家口。應遣每佐領護軍
四名。驍騎二名。前鋒兩佐領合一名。火器營
兵一千。獨石口。應遣每佐領護軍三名。驍騎
三名。前鋒兩佐領合一名。火器營兵一千。奏
入。得

旨。赴張家口軍。令往大同。赴獨石口軍。令往張家
口。其張家口一路。都統瓦代總領之。與都統喀

代王承譽護軍統領洪海副都統方格柯爾對
喻維那偕往大同一路都統郎坦總領之與都
統公宗室華善都統李正宗護軍統領宗室惠
藍署前鋒統領副都統碩鼐副都統馬齊田象
坤郎化麟偕往此二路俱授將軍印自漢軍副
都統以上俱令叅贊餘如議隨授瓦代定北將
軍印郎坦安北將軍印

辛亥。

命派發會閱官兵。兵部奏言。

車駕出閱。應撥前鋒營。則前鋒統領一員。每翼叅領各一員。侍衛各一員。每旗前鋒校各二員。前鋒兵三十名。護軍營。則每翼護軍統領各二員。每旗護軍叅領各七員。每叅領護軍校各五員。每佐領護軍各五名。驍騎營。則每翼

都統各二員。副都統各四員。滿洲。蒙古。每旗
叅領各一員。每叅領賢能將領各二員。驍騎
校各二員。小校各四名。驍騎每佐領各三名。
其都統。副都統。前鋒統領。護軍統領。惟

上簡命。其八旗。每旗礮位火器。攜帶幾何。大臣官員
兵丁。撥發幾何。俱聽火器營都統。副都統等

具奏請

旨。護軍每旗帶纛一桿。驍騎每叅領帶纛各一桿。

除上三旗護軍守衛

御營外。其五旗護軍八旗驍騎火器營兵每旗各

扎一營。以爲行止。奏入。

上從之。隨令都統莽吉祿喇克達諾敏希福蘇努前
鋒統領穆圖護軍統領四哥托倫馬喇苗齊納
副都統馬思喀沙納海碩代伊勒慎趙山勞滿

塞牛鈕葉楚赫等隨赴會閱。

壬子。

命西安將軍尼雅漢等往備寧夏。

上諭大學士伊桑阿等曰。聞噶爾丹劫掠墨爾根濟農。巴圖爾額爾克濟農向西海而去。著將陝西西安兵酌畱守城外。其餘兵丁。命將軍親率之。其川陝督標綠旗兵。命總督親率之。寧夏鎮標

兵。命總兵官親率之。俱於寧夏備噶爾丹。趙良棟現在寧夏。熟習軍務。令與將軍總督指揮商略而行。時勇略將軍趙良棟解任。見在寧夏。故有是

命。

諭給賞宣府大同兵。

上諭大學士伊桑阿等曰。宣府大同兵。雖未嘗攻戰。

而兩次出邊。修整器械。亦已勞矣。今又令將軍等。於有事時。便宜率之而行。宜加恩賚。每一兵賞銀四兩。交大同宣府總兵官頒給。

二月戊午。策旺喇卜灘及阿奴等。覆奏與噶爾丹交惡情事。策旺喇卜灘疏曰。侍讀學士達虎。頒到

勅書恩賞。不勝欣幸。我國內自交惡。因奈冲鄂木

上。擅權毒殺我弟。與我亦不睦。我國人民交
惡離散。職此之故。阿奴疏曰。我等奉達賴喇
嘛之令分出。博碩克圖汗達達賴喇嘛教。多
爲不義。殺索諾木喇上灘。又與策旺喇上灘
及我亦皆反顏。是以各自分散。嗣後

大君凡有

諭旨。俱願遵行。理藩院以